



Centralna banka
BOSNE I HERCEGOVINE
Централна банка
БОСНЕ И ХЕРЦЕГОВИНЕ



Monetarna kretanja u decembru 2023. godine




Monetarna kretanja u decembru 2023. Godine

Ukupna novčana masa (M2) na kraju decembra 2023. godine iznosila je 35,76 milijardi KM, u odnosu na prethodni mjesec registrovan je porast novčane mase za 544,6 miliona KM (1,5%). Porast novčane mase (M2) u decembru 2023. godine, rezultat je povećanja novca (M1) za 455,1 milion KM (2,2%) i kvazi novca (QM) za 89,4 miliona KM (0,6%). U strukturi novca (M1), gotovina izvan banaka povećana je za 253,2 miliona KM (4,0%), a prenosivi depoziti u domaćoj valuti povećani su za 201,9 miliona KM (1,4%). Kvazi novac (QM) je povećan usljed porasta ostalih depozita u stranoj valuti za 221,7 miliona KM (3,1%), dok je istovremeno došlo do smanjenja prenosivih depozita u stranoj valuti za 75,9 miliona KM (1,9%), kao i ostalih depozita u domaćoj valuti za 56,3 miliona KM (1,9%).

Na godišnjem nivou, porast novčane mase (M2) u decembru 2023. godine iznosio je 2,52 milijarde KM (7,6%). Rast je ostvaren kod gotovine izvan banaka za 416,4 miliona KM (6,8%), kod prenosivih depozita u domaćoj valuti za 1,31 milijardu KM (9,5%), kod prenosivih depozita u stranoj valuti za 390,9 miliona KM (10,9%), kod ostalih depozita u domaćoj valuti za 10,9 miliona KM (0,4%) i kod ostalih depozita u stranoj valuti za 397,9 miliona KM (5,8%).

Monetarni agregati

(godišnje stope rasta)
2020. - 2023.



Protustavka povećanju novčane mase (M2) na mjesečnom nivou u decembru 2023. godine u iznosu od 544,6 miliona KM (1,5%) je povećanje neto strane aktive (NSA) za 199,9 miliona KM (1,0%) i povećanje neto domaće aktive (NDA) za 344,7 miliona KM (2,3%). Porast novčane mase (M2) na godišnjem nivou od 2,52 milijarde KM (7,6%), rezultat je porasta neto strane aktive (NSA) za 1,27 milijardi KM (6,6%) i neto domaće aktive (NDA) za 1,26 milijardi KM (9,0%).

Monetarni pregled

	Stanje u mil. KM XII 2023	Mjesečne promjene u mil. KM			Godišnje stope rasta u %		
		X 2023	XI 2023	XII 2023	X 2023	XI 2023	XII 2023
Aktiva							
1. Neto strana aktiva	20.536,2	137,5	-111,3	199,9	4,8	6,8	6,6
1.1. Strana aktiva	22.016,0	130,7	-106,8	222,4	3,0	4,5	4,4
1.2. Strana pasiva	-1.479,8	6,8	-4,5	-22,5	-17,2	-20,0	-18,4
2. Neto domaća aktiva	15.228,6	-79,7	147,5	344,7	10,8	8,0	9,0
2.1. Potraživanja od centralne vlade (neto), kantona i općina	777,9	11,4	115,3	142,7	-313,7	192,9	837,6
2.2. Potraživanja od domaćih sektora	22.577,2	103,9	100,6	238,8	6,3	6,7	7,2
2.3. Ostale stavke	-8.126,6	-195,0	-68,4	-36,9	8,7	9,7	13,3
Pasiva							
1. Novčana masa (M2)	35.764,8	57,8	36,2	544,6	7,2	7,3	7,6
1.1. Novac (M1)	21.603,7	-80,5	43,7	455,1	9,2	9,0	8,7
1.2. Kvazi novac (QM)	14.161,1	138,2	-7,5	89,4	4,4	4,8	6,0

Kreditni

Ukupni krediti domaćim sektorima na kraju decembra 2023. godine iznosili su 23,55 milijardi KM, u odnosu na prethodni mjesec zabilježeno je povećanje kredita od 247,4 miliona KM (1,1%). Kreditni rast registrovan je kod svih sektora: stanovništva za 26 miliona KM (0,2%), privatnih preduzeća za 144,5 miliona KM (1,5%), nefinansijskih javnih preduzeća za 35,3 miliona KM (5,9%), vladinih institucija za 17,7 miliona KM (1,6%) i ostalih domaćih sektora za 24 miliona KM (11,0%).

Godišnja stopa rasta ukupnih kredita u decembru 2023. godine iznosila je 6,7%, nominalno 1,48 milijardi KM. Godišnji rast kredita registrovan je kod sektora stanovništva za 813,4 miliona KM (7,4%), kod privatnih preduzeća za 612 miliona KM (6,7%), nefinansijskih javnih preduzeća za 9,6 miliona KM (1,5%) i kod ostalih domaćih sektora za 58 miliona KM (31,3%). Smanjenje kreditnog rasta na godišnjem nivou registrovano je kod vladinih institucija za 12,9 miliona KM (1,1%).

Sektorska struktura kredita

	Stanje u mil. KM XII 2023	Mjesečne promjene u mil. KM			Godišnje stope promjene u %		
		X 2023	XI 2023	XII 2023	X 2023	XI 2023	XII 2023
Ukupno	23.548,1	158,3	113,8	247,4	5,7	6,1	6,7
Od toga:							
Stanovništvo	11.791,8	90,1	59,4	26,0	7,0	7,4	7,4
Privatna poduzeća	9.767,4	-5,8	58,4	144,5	4,8	5,3	6,7
Vladine institucije	1.109,9	72,4	-1,7	17,7	-3,2	-2,9	-1,1
Javna poduzeća	635,9	2,9	2,8	35,3	4,9	3,2	1,5
Kreditni ostalim domaćim sektorima	243,1	-1,4	-5,0	24,0	28,7	32,9	31,3

Depoziti

Ukupni depoziti domaćih sektora na kraju decembra 2023. godine iznosili su 31,11 milijardi KM, u odnosu na prethodni mjesec depoziti su povećani za 172,4 miliona KM (0,6%). Rast depozita na mjesečnom nivou registrovan je kod sektora stanovništva za 383,7 miliona KM (2,4%) i kod privatnih preduzeća za 30,9 miliona KM (0,4%). Depoziti su smanjeni kod nefinansijskih javnih preduzeća za 28,5 miliona KM (1,5%), kod vladinih institucija za 196,5 miliona KM (4,4%) i kod ostalih domaćih sektora za 17,2 miliona KM (1,0%).

Godišnja stopa rasta ukupnih depozita u decembru 2023. godine iznosila je 6,4%, što je u apsolutnom iznosu 1,88 milijardi KM. Godišnji rast depozita registrovan je kod sektora stanovništva za 1,48 milijardi KM (10,2%) i kod privatnih preduzeća za 928,2 miliona KM (15,1%). Depoziti su na godišnjem nivou smanjeni kod vladinih institucija za 311,1 milion KM (6,8%), kod nefinansijskih javnih preduzeća za 119,1 milion KM (5,9%) i kod ostalih domaćih sektora za 100,6 miliona KM (5,3%).

Sektorska struktura depozita

	Stanje u mil. KM XII 2023	Mjesečne promjene u mil. KM			Godišnje stope promjene u %		
		X 2023	XI 2023	XII 2023	X 2023	XI 2023	XII 2023
Ukupno	31.109,9	227,7	49,1	172,4	7,0	7,7	6,4
Od toga:							
Stanovništvo	16.058,7	151,3	8,9	383,7	10,0	9,8	10,2
Privatna poduzeća	7.073,1	35,4	125,8	30,9	14,8	17,0	15,1
Vladine institucije	4.297,8	25,7	-70,5	-196,5	-4,3	0,2	-6,8
Javna poduzeća	1.894,9	42,7	-1,8	-28,5	-2,0	-2,5	-5,9
Depoziti ostalih domaćih sektora	1.785,4	-27,3	-13,3	-17,2	-3,3	-8,8	-5,3

Devizne rezerve

Devizne rezerve Centralne banke BiH na kraju decembra 2023. godine iznosile su 16,29 milijardi KM i veće su za 605,1 milion (3,9%) u odnosu na prethodni mjesec, a na godišnjem nivou devizne rezerve povećane su za 224 miliona KM (1,4%).